

## **GARIS PANDUAN FASA AWAL ENDEMIK BAGI PENDIDIKAN TERAS (AWAM DAN SWASTA)**

Dokumen ini menyediakan langkah-langkah di mana institusi-institusi pendidikan bagi Pra-sekolah, Sekolah Rendah, Menengah, Maktab dan Pusat Tingkatan Enam, awam dan swasta di bawah Kementerian Pendidikan, Kementerian Hal Ehwal Ugama dan Sekolah Antarabangsa, dibenarkan untuk menjalankan aktiviti semasa Fasa Awal Endemik dalam Rangka Kerja Pemulihan COVID-19 Kebangsaan. Pendekatan kami adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19, penggunaan *Antigen Rapid Test (ART)* untuk pengesanan awal penyakit dan memperkenalkan sekatan yang berbeza bagi individu sudah divaksinasi dan belum divaksinasi.

### **Fasa Endemik**

Boleh bermula pada tahap 80% perlindungan vaksinasi.

Hidup dengan COVID-19 dengan gangguan minima pada aktiviti harian.

Langkah-langkah yang boleh dilaksanakan:

- Pengurusan COVID-19 selaras dengan penyakit influenza bermusim dan penyakit berjangkit lain.
- Tingkatkan program penggalak vaksin – pertimbangkan keperluan untuk penggalak tahunan biasa seperti penyakit influenza bermusim.
- Tiada langkah-langkah sekatan berterusan di tempat kerja, perniagaan dan sekolah.
- Kelonggaran pada perjalanan masuk dan keluar negara.

### **Langkah-Langkah Kawalan COVID-19**

- *Penggunaan aplikasi BruHealth*
  - a) **Mendaftar BruHealth:** Semua premis mesti mendaftar untuk mendapatkan kod QR *Bruhealth*.
  - b) **Mengimbas Kod BruHealth:** Pemilik premis hendaklah memastikan semua individu yang memasuki premis mengimbas aplikasi *Bruhealth* mereka sebaik sahaja masuk (termasuk semua warga sekolah / pekerja / kakitangan / ibubapa dan penjaga / pelawat / sukarelawan).
  - c) **Warna Kod BruHealth:** Pemilik premis memastikan hanya individu yang mempunyai kod *Bruhealth* Hijau dan Kuning dibenarkan masuk. Kad pengenalan hendaklah diperiksa sebagai pengesahan.

- Vaksin Lengkap: Pemilik premis hendaklah memastikan semua pekerja / kakitangan / ibubapa dan penjaga / pelawat / sukarelawan layak diberi vaksin (tiada kontraindikasi perubatan) telah divaksin sepenuhnya.
- Penjarakan Sosial: Langkah-langkah penjarakan fizikal yang telah ditetapkan: sekurang-kurangnya 1.0 meter antara individu jika boleh.
- Pengudaraan Premis: Pemilik premis dalaman memastikan premis mempunyai sistem pengudaraan yang baik.

### **Individu yang divaksin sepenuhnya**

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Status vaksinasi dalam aplikasi *BruHealth*, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.

### **Langkah-Langkah untuk Pembukaan Pendidikan Teras (Awam dan Swasta)**

#### **Sekatan Kapasiti**

Institusi Pendidikan dari Pra-Sekolah, Sekolah Rendah, Sekolah Menengah, Maktab dan Pusat Tingkatan Enam dibenarkan beroperasi dengan pelaksanaan pendekatan 4 peringkat, di mana bagi Fasa Awal Endemik, ianya adalah seperti berikut:

#### **Peringkat 1 - 30% Pelajar Hadir**

- Menengah: Tahun 10, 11, \*12 & 13 (5 kali seminggu)
- Arab Menengah:  
Sanah 10, 11, Pra U1 & Pra U2 (4 kali seminggu)

#### **Peringkat 2 - 50% - 80% Pelajar Hadir**

- Menengah: Tahun 7-13 (5 kali seminggu)
- Arab Menengah:  
Sanah 7-11, Pra U1 & Pra U2 (4 kali seminggu)
- Sekolah Agama:  
Darjah 5 & 6 (5 kali seminggu)  
\*Bagi beberapa sekolah sahaja

## Protokol Kemasukan

- Hanya individu termasuk Tenaga Pengajar / Tenaga Bukan Pengajar / Kakitangan / Ibumbapa dan Penjaga, yang mempunyai keputusan ART Negatif saja dibenarkan untuk hadir ke premis-premis berkenaan. Bukti pengesahan keputusan ART Negatif hendaklah ditunjukkan.
- Bagi pelajar, tenaga pengajar dan bukan tenaga pengajar yang lengkap vaksin 2 dos dikehendaki untuk membuat ujian ART seminggu sekali bermula *Stage 1* selama tempoh dua bulan sehingga satu penilaian dibuat untuk pelaksanaannya diubah.
- Ujian Kendiri (ART) ini akan dilakukan disekolah dengan dibantu oleh pihak sekolah masing-masing.
- Keputusan ujian ART yang diperolehi mestilah negatif.
- Semua individu dikehendaki memakai sungkup muka (*face mask*).
- Semua individu dikehendaki mengimbas Kod QR premis dengan menggunakan aplikasi *BruHealth*.
- Hanya individu yang mempunyai kod *BruHealth* warna hijau dan kuning sahaja dibenarkan masuk ke premis. Kad pengenalan hendaklah ditunjukkan sebagai pengesahan.
- Individu yang mengalami simptom dan berisiko tinggi tidak dibenarkan masuk ke premis.
- mempraktikkan penjarakan sosial pada setiap masa.
- Mengelakkan sebarang kontak fizikal.
- Menggunakan sanitasi tangan sebelum memasuki premis.
- Pemeriksaan suhu badan harian sebelum masuk premis oleh pegawai bertugas
- Pegawai bertugas dimastikan memakai sungkup muka, sarung tangan dan apron (*partial PPE*)
- Memastikan Garis Panduan Kementerian Kesihatan Negara Brunei Darussalam sentiasa dipatuhi.

## Protokol Pengurusan Sanitasi dan Pembersihan Pembasmi Kuman

- Menjaga kebersihan diri sepanjang masa.
- Menyediakan tisu dan cecair pembasmi kuman untuk pengguna/pengunjung.
- Membersihkan kerusi dan meja dan peralatan premis selepas digunakan.
- Membersihkan tombol atau pemegang pintu setiap dua jam.
- Kerap membersihkan tandas dalam sehari.
- Menyediakan sabun pencuci tangan di dalam tandas.
- Membersihkan ruang/bilik yang digunakan oleh pengguna/pengunjung dengan cecair pembasmi kuman dua kali sehari.
- *Deep sanitisation* akan dilaksanakan satu kali dalam seminggu.